

大清宣宗成皇帝實錄

大清宣宗效天符運立中體正至文聖武智勇
仁慈儉勤孝敏成皇帝實錄卷之四百四十二

監修總裁官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣寶楨總裁官經筵講官吏部尚書鑲黃旗漢軍都統管理新營房城內官房大臣稽察內

七倉大臣稽察會同四譯館事務加一級隨帶加六級軍功加三級紀錄五次臣花沙納經筵講官文淵閣提舉閣事兵部尚書總管

內務府大臣鑲白旗滿洲都統稽察內七倉大臣管理宗人府銀庫左翼幼官學 靈壽宮圓明園等處繕繪營御營膳房御藥房太

監院造辦處事務隨帶加八級臣阿靈阿副總裁官經筵講官兵部尚書隨帶加六級紀錄二十次臣周祖培等奉

敕修

道光二十七年丁未五月己卯朔諭內閣布

彥泰奏查閱固原寧夏官兵各情形一摺固
原各標營官兵演習陣式馬隊等項遲慢過
甚弓力較輟礮槍準頭僅中十分之一二校
場漫無紀律現任提督石生玉前任提督胡
超不能振作精神認真訓練著交部嚴加議
處寧夏滿洲營演習陣式聲勢威壯擡礮十
中八九槍箭中靶逾額弓力甚硬馬上躡捷
皆由將軍舒倫保勤加訓練所致舒倫保著
加恩賞戴花翎仍交部從優議敘嗣後該將

軍提督等務當督率各旗營官弁振刷精神
實力講究操練務期勤熟紀律必令嚴明庶
幾精益求精咸成勁旅用副朕修明武備之
至意○大考翰林院詹事府各官於圓明園
正大光明殿○授一甲一名進士張之萬為
翰林院修撰二名進士袁績懋三名進士龐
鍾璣為翰林院編修○庚辰

上詣綺春園問

皇太后安○諭內閣李星沅奏雲州回匪殲除

軍務就歲一摺所有陣亡千總毛文元外委
陸春均著照例賜卹已革代理雲州知州顧
壬濬汎弁蘇萬年吏目鈕鳴臯於被放監囚
內有絞犯三名未獲俱著革職留於該地方
協緝務獲○又諭李星沅奏請將代辦知府
之知州革職等語雲南代辦順寧府事晉寧
州知州彭衍墀於回犯張富馬效青投誠並
不稟明上司徑自諭令隨往緬寧及該二犯
被匪徒裹脅既未能先事防範又不立時具

稟實屬糊塗荒謬。彭衍墀著即革職。○諭軍機大臣等。李星沅密奏辦理回務體察情形等語。據稱此次勦辦雲州回匪。揆度機要。內回富而外回貧。外回強而內回弱。與其濫殺而徒滋藉口。不如密計而先務攻心。且邊郡不知有法。由來已久。莫如持平執法。俾漢回同體。犯則重懲。保甲以清內匪。團練以禦外匪。各等語。著林則徐於到任後。詳加體察。酌量情形。悉心籌辦。原片鈔給閱看。另摺奏回。

犯張富於投誠後隨往緬寧勸諭漢回旋被該回匪偏令入夥嗣訊據犯供張富在雲州觀音閣被矛戳傷身死旋據回寨繳到犯屍檢驗被傷處所與訪獲該犯之母妻等所供相符現仍解省驗訊辦理等語亦著林則徐詳細訪察張富果否被矛致斃及屍傷犯供等是否確鑿萬不可輕信人言遽以為實總當設法研求務得實據詳悉覆奏將此諭令知之尋奏漢回雖分氣類但當別其為良為

匪不必攻。以為漢為回。果能各擇其良。以漢保回。以回保漢。協力同心。共驅遊匪。庶可永冀安恬。但當體以虛心。持以實力。不敢以目前息事。稍任因循。得旨。所見是。次第妥為之。
又奏。查訊漢犯范小黑等。及張富妾親弟羅恩僉。稱張富上年十二月十四日。在雲州觀音閣。與官兵打仗。被矛戳死。時地均屬相符。漢民被搶之家。無不稱快。是該犯竇因拒敵格殺。似無疑義。批。諒可信矣。○以通政使司

通政使桂德為都察院左副都御史。○賞山東德州城守尉佛貴副都統銜。命留京以副都統候補。○辛巳。

孝誠仁皇后忌辰。遣官祭。

景陵。○諭軍機大臣等。本日據李星沅由驛馳奏。鶴麗鎮總兵烏精額因病出缺。遺缺已委副將果仁布接署矣。鶴麗鎮地居邊要。所有前署雲南提督嗣經降旨。以總兵留滇候補之蔭德布。平日操守如何。訓練巡防一切果

否得力前據李星沅稱其更事日淺尚少威
重究於鶴麗鎮一缺能否勝任著林則徐到
任後詳加察看據實具奏候朕降旨將此諭
令知之尋奏到省留心察看並密詢撫臣程
喬采等均稱蔭德布在迤西一帶已將兩年
熟悉情形帶兵勇往不辭勞瘁於鶴麗鎮一
缺似堪勝任報聞○直隸總督訥爾經額奏
省城及各屬續得雨澤得旨京師於四月二
十四日二十九日連獲甘霖雷電宣暢十分

透足而通省均屬霑足。朕欽感

天恩於無既矣。○馬蘭鎮總兵官慶錫奏。巡查
內火道情形。請於四道口地方。建立撥房一
處。添撥營弁一員。兵丁四名看守。即由公費
項下籌辦。得旨。隨時留心整飭。務挽頽風。○
命兵部尚書文慶。工部右侍郎張芾。教習庶
吉士。○貸河南修培沁河民隄銀。○壬午旌
表守正捐軀直隸曲陽縣民宋黑小女樹姐。
○癸未諭軍機大臣等。前因給事中朱昌頤

奏江浙奏報緩徵似未確實當有旨交陸建
瀛逐件確查據實具奏茲據奏稱該省奏報
稽遲雖辦理難免參差尚非有心弊混各等
語江蘇吏治疲玩相循雖據該署督查明上
年奏報緩徵尚無不確不實情弊惟事關國
計民生以後遇有災歉該督撫惟當飭屬速
詣勘詳並令道府覆勘如有未盡確實之處
即責成藩司抽查重則親往查勘斷不可任
聽屬員朦混稟報率准請蠲請緩儻竟有捏

增分數那移地段等弊即行從嚴叅辦以滌積習而重正供又另片奏上年緩缺漕糧無可籌補擬俟秋成後責令各屬帶徵起運即民力間有拮据亦當酌量情形分年展帶等語此項短缺額漕於京倉積貯大有關係既據該署督酌請帶徵起運仍著該督撫認真覈實依限帶徵總期缺額於前者皆可歸補於後不致有名無實是為至要總之國家歲徵漕賦於正供外並無絲毫多取小民食德

服疇何至抗不交納良由不肖州縣捏飾弊
混該督撫率請蠲緩年復一年以致京倉存
米不敷支放不得已議行採買並捐米接濟
左支右絀伊於胡底儻該大吏等仍不激發
天良力圖補救試問所司何事能勿覩顏耶
將此各諭令知之○引見新科進士得旨一
甲三名張之萬袁績懋龐鍾璐業經授職外
許彭壽孫觀徐樹銘曹登庸周德榮袁希祖
劉其年沈桂芬陸秉樞蘇仲山鮑源深陳元

宣宗成皇帝實錄 卷四十四
鼎徐申錫陳毓麒李德儀蔣兆鯤崔荆南李
培祐伍肇齡劉崧駿胡壽椿帥遠燁潘斯濂
蕭銘貞華祝三李品三李鴻章黃彭年沈葆
楨郭椿壽吳慰曾唐壬森陳濬何璟白恩佑
周悅讓張炳堃尹國珍郭嵩燾福全陳鼎粟
增煥林之望文啓來煦劉有銘宗室載鏗葉
毓祥張修府周道治萬良彥昌丁壽昌俱著
改為翰林院庶吉士郭祥瑞孫頤臣劉鴻恩
鄧清淦張增道葉士煥李德增汪先煥劉秉

厚駱利鋒朱壽康章倬標沈鐸王友端李友
梅郝應宿余汝侗瑞明薛銘沈鎬徐振墉楊
儀韶方學蘇段培元朱麟祺熊其光文玉宗
室興蒼成善阮壽松德恆阿克丹宗室崇光
袁銓盧日新俱著分部學習李仁元裴季芳
孫家醇鄧培植俱著以內閣中書用吳珽李
宗義尹泗劉廷鑑戚天保戴鹿芝喻懷恭周
振璘彭嘉炯黃瑞圖龍元儼賀桂齡李湘萼
劉潤陳秉彝曹鴻舉李士瑞宋肇昌蔡應嵩

孔廣泉。華國清。許利賓。周勅。侯樹衡。莊心庠。
張培仁。丁斌。楊文熙。耿灼然。黃金韶。李明璵。
車汝建。王揆一。龐公照。王宏謨。張希仲。張清。
瀛。李森。左駿章。謝佳玉。廖宗元。馬新貽。馮霽。
馮森。葉維藩。郭種德。李孟羣。朱象。周鳴鹿。延。
齡。伍奎祥。霍為葵。胡長新。黃淳熙。汪有恭。沈。
壩。匡慶榆。武元鶴。任瑛。辛本梅。李燦。張汝弼。
陳心葵。馬綸。篤。徐家杰。王序賓。趙廷銘。王玉。
周雲翥。增祿。高化鵬。馬先登。教國琦。陳兆鳳。